



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Quantum confert homini fidelitas. IV.

[urn:nbn:de:hbz:466:1-45790](#)

facit hominem secundum cor Dei, cui liberè credi possit? Primo
utique timor Domini; dehinc dilectio sine simulatione; postremo,
nullius terreni commodi quæstus, fidem seruum constituant. Talis erat vas electionis Paulus, cui credita sunt tam multi
a preciosa & magnifica secreta. Et ipse fidelis inuentus est in domo Dei, & prudenter se agebat in omnibus. Vnde ita dicit: *Non quarens, quod mihi utile, sed quod multis.* Item: *Non quaro vestra,*^{1 Cor. 28.} *Phil. 4.*
sed vos: nec quaro datum, sed fructum.

§. 4. Quantum confert homini fidelitas.

Fidelitas ergo si fuerit inuenta in homine, reddit ipsum superioribus suis charum & preciosum, aequalibus amabilem, ceterisque sodalibus suis valde venerabilem & gratiosum; ita ut nemo iustum aduersus eum habeat querelam, sed latentur omnes de virtute fidelitatis eius. Nostri aliquos inter nos, & quantæ sint recommendationis, frequenter audis, & gaudenter etiam pertractas. Quæris imitari, ut bonum possideas, quod in alijs laudas, & bene facis; sed melius dum perficias. Si quando intelligis te deficere, doles imperfectionem tuam, & velles utique talis innueniri, ut nemo imponeret querelam seruituti tuae. Ministras enim Dei seruis, & ideo formidas, ne sis indignus & inutilis, negligens aut tardus, prodigus aut nimis parcus. Sed si niteris tamen facere secundum tuam possibilitatem, respiciendo semper primò Dei voluntatem, atque deinde proximi necessitatem; erit Dominus propitius tuæ insufficientiæ, quam debes maiorem, quam alij putant, in te recognoscere. Nemo securius excusat, quam qui culpam propriam agnoscens se humiliat. Etiamsi alij excusant, bonitati corum plus députa quam tuæ innocentia.

§. 5. De fiducia in Deo, tempore paupertatis.

In domo ubi abundat paupertas, & multi commensales sunt, ibi angustior est via ministrandi. Nec idcirco tamē deferenda est cura pietatis, sed de Dei misericordia confidendum. Vnde in Euangeliō habes: *Misereor turba, quia iam triduo sustinente me, nec habent quod manducent:* ^{Act. 8.} *& ieinos eos nolo dimittere in domos suas,* In egestate ne deficiant in via. Discipuli dicebant: *Dimitte turbam, ut eant in castella, & emant cibum.* Sed Iesus respondit eis; *Date illis vos manu ducare, ut probaret eos, quanta esset fides illorum in tanta multitudine, cum tanta paupertate panum & piscium.* Illi desperabant de sufficientia, dicentes: *Sed haec quid inter tantos?* Benignissimus Dominus, quid post haec dixerit, audi: *Facite homines discubere!* Accepit panes, benedixit, iussitque discipulis suis, ut apponenter turbis. Et manducauerunt, & saturati sunt, &

Rr 2 super-